

111

ARREST DE LA COVR DE PARLEMENT

CONTRE VNE THESE DE
Theologie, qui deuoit estre soustenuë le
19. Ianuier 1663. par M^e Gabriel Drouët
de Villeneuve, Bachelier.

Du 22. iour de Ianuier 1663.



*Je ce qui s'est passé en l'ordonnance de ce
decret sur ce un Memoire sur les
requis de la Supplication presentee au Roi
par la Nouvelle Faculté de Theologie de Paris
sur ce projet d'arrêt du Parlement du 17 mai
1730*

A PARIS,
Par les Imprimeurs & Libraires ordinaires
du Roy.

M. DC. LXIII.

AVEC PRIVILEGE DE SA MAIESTE.

THE
LIBRARY
OF THE
MUSEUM OF
COMPARATIVE ZOOLOGY

OF THE
HARVARD UNIVERSITY
CAMBRIDGE, MASSACHUSETTS
U.S.A.



RECEIVED
JAN 10 1901
FROM THE
HARVARD UNIVERSITY
LIBRARY

EXTRAIT DES REGISTRES
de Parlement.



E iour la Cour ayant deliberé sur ce qui a esté representé par les Gens du Roy, les 19. & 20. du present mois, touchant vne Thèse qui deuoit estre soustenuë ledit iour 19. par Maistre Gabriel Drouët de Villeneuve, Breton de nation, Bachelier en Theologie, en la dispute de la grande Ordinaire de Sorbonne, laquelle portoit en la seconde position, *Christus sanctum Petrum eiusque successores summa supra Ecclesiam autoritate donauit*: En la troisième, *Romani Antistites privilegia quibusdam Ecclesiis, sicut Ecclesie Gallicane, impertiendo*: Dans la huitième, *Concilia generalia ad extirpandas hereses, schismata, & alia tollenda incommoda, admodum sunt utilia, non tamen absolute necessaria*; & plusieurs autres propositions contraires à l'autorité de l'Eglise, à l'ancienne doctrine de tout temps receuë & conseruée dans ce Royaume, aux Saints Canons, Decrets des Conciles generaux, & aux Libertez de l'Eglise Gallicane, & tendans à éleuer la puissance du Pape au dessus de celle des Conciles generaux, & au delà des bornes qui ont tousiours esté tres-saintement conseruées dans l'Eglise Gallicane: Après auoir ouï le Syndic de la Faculté de Theologie, & Maistre Vincent de Meurs Docteur en ladite Faculté, de la Maison de Nauarre, qui deuoit presider à ladite dispute, & ledit Drouët répondant, qui auroient esté mandez suiuant l'Arrest du 19. de ce mois: & ouïs les Gens du Roy en leurs Conclusions: LA COUR a fait & fait inhi-

bitions & defences audit de Drouët de soustenir ladite The-
 se: A ordonné & ordonne qu'elle sera supprimée; ensem-
 ble toutes les autres qui se trouueront contenir de pareil-
 les propositions: Fait inhibitions & defences à tous Bache-
 liers, Licentiez, & Docteurs, & autres personnes d'écrire,
 soustenir & disputer, lire & enseigner, directement ni in-
 directement és Ecoles publiques, ni ailleurs, aucunes sem-
 blables propositions, ni autres contraires à l'ancienne do-
 ctrine de l'Eglise, aux Saints Canons, Decrets des Conci-
 les generaux, & aux Libertez de l'Eglise Gallicane, & an-
 ciens Decrets de la Faculté de Theologie de Paris, à peine
 d'estre procedé contre eux ainsi qu'il appartiendra. Fait
 defences au Syndic de ladite Faculté, & aux Docteurs qui y
 presideront aux actes, de souffrir que telles propositions
 soient inserées dans aucune These. Ordonne que le pre-
 sent Arrest sera leû à l'assemblée generale de ladite Facul-
 té de Theologie, qui se tiendra en Sorbonne au premier
 iour, lequel par la Cour sera ordonné, en presence de deux
 Conseillers en ladite Cour, lesquels s'y transporteront à
 cet effet, avec l'un des Substituts du Procureur General du
 Roy. A laquelle Assemblée seront mandez tous les Do-
 ctors de ladite Faculté, mesme les Bacheliers de la pre-
 miere licence. Et sera le present Arrest enregistré és regi-
 stres de ladite Faculté, & signifié aux Recteur, Doyens &
 Procureurs des autres Facultez, pour y estre leû & registré
 en icelles, & enuoyé aux autres Vniuersitez; ensemble
 aux Bailliages & Senéchaussées de ce ressort, pour y estre pa-
 reillement leû, publié & registré à la diligence des Substi-
 tuts du Procureur General du Roy, lesquels en certifieront la
 Cour au mois. Fait en Parlement le 22. iour de Ianuier 1663.

Signé, ROBERT.

Collationné.

Cae
 Wing
 folio
 02
 144
 .A1
 v. 2
 no. 8

THE NEWBERRY LIBRARY